



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 21. Petrus Brossius ex beato miserrimus.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

est celebrer, ut respondeat laudibus, quas scriptores recentiores Rogerio tribuerunt.

Sæcul. XIII.
A.C. 1278.

§. XXI.

Petrus Brossius ex beato miserrimus.

Petrus Benefius Episcopus Bajocassinus se ad Papam contulerat, eo quod Petrus Brossius patronus ejus in offensionem Regis Gallorum incurrisset: id quod exponi meretur. Petrus Brossius homo loco humili natus, cum S. Ludovici chirurgum, deinde Philippi Audacis cubicularem egisset famulum, tanta hunc apud Principem gratia florebat, ut summos Proceres benevolentiam suam aucupari cerneret, ac Petrum Benefium uxoris cognatum sua opera evasisse Bajocassinum Episcopum. Anno 1276 obierat Ludovicus Regis Philippi e priore conjugate Isabella Arragonia filius natus maximus: rumorque fuit, ei venenum esse præbitum. Rex suspicabatur Petrum Brossium fuisse authorem hujus rumoris pessimi spectantis ad Ludovici mortem Reginæ Mariæ Brabanticæ secundæ conjugis suæ adscribendam. Et vero dicebatur idem alteris duobus e priore conubio Regis filiis factura esse. Post aliquod tempus Rex Brossii litteris ad se perlatis hominem includi carceri, de hinc

Duchesne
to. 3. p. 529.

p. 532.

e. 536.

C 5 e com-

Sæcul. XIII. e communi patibulo Parisiensi suspendi
 A.C. 1278. jussit; necis causa non divulgata. Id a-
 ctum est an. 1277. Ut primum Bajocas-
 sinus Episcopus illum esse captum com-
 perit, egressus e regno ad aulam Roma-
 nam se recepit: ubi sub Papæ præsidio
 diu exulis instar mansit.

Rayn. n. 34.

Rex per Equitem Templarium Ro-
 mam missum a Papa petiit, ut Episcopus
 tanquam calumniæ in Reginam sparsæ
 particeps plecteretur: & interim tem-
 poralia ejus bona occupare voluit. At-
 tamen Eques Templarius ejus Legatus
 coram Papa & Cardinalibus asseruit se
 nolle Episcopi adversarium vel suo vel
 Regis nomine agere. Ergo Papa Regi
 scripsit, cum Petrus Benefius Episcopus
 Bajocassinus nec publica laboraret infam-
 ia, nec accusatus esset aut denunciatus,
 jus non permittere, ut absque argu-
 mento criminis puniretur, aut occupa-
 rentur bona Ecclesiæ Benefio commis-
 sæ, quæ vel si reus foret, ob ejus cul-
 pam nullum subire damnum deberet.
 Hortabatur postea Regem, ut silentio rem
 premeret offensionem futuram, nec por-
 ro infectaretur virum, eo quod Reginæ
 fama omnino salva maneret. Hanc
 quoque Principem per litteras monuit,
 ut temperaret dolori suo, sperneretque
 calumniam fundamento ac verisimilitu-
 dine tam destitutam. Quas epistolas
 dabat

n. 36.

dabat secundo ac tertio Decembris an. ^{Sæcul. XIII.}
1278. Brevi abhinc tempore Papa Ni- ^{A.C. 1278.}
colaus permiserat, ut Rex Philippus sine
anathematis subeundi periculo Clericos
grandium noxarum ignominia notatos
carceri mandaret, non vexandos suorum
opera, sed Præsulibus tradendos, ne spes
impunitatis ad graviora eos scelera il-
liceret.

n. 37.

§. XXII.

Græci Legati abeunt.

Papa Nicolaus hoc demum anno Le-
gatos remisit Græcos, qui anno prio-
re, cum sacra Sedes vacaret, advene-
rant, a Michaële Palæologo jussi non so- ^{Sup. §. 9.}
lum acceptæ reconciliationis notitiam ^{Pachym. l. 5.}
Papæ dare, verum etiam inquirere, quam ^{c. 26.}
agendi rationem teneret Rex Siciliæ Ca-
rolus; an calor ejus ac ferocia deferbuis-
set. At comperiebant eum ardere ira-
cundia & instare Papæ, ut sibi per ipsum
liceat Constantinopolim invadere. Vi-
debant eundem quotidie Papæ supplicem
sceptrum manu gestatum de more Prin-
cipum Italiæ mordere præ furore ob
neglectas ab illo preces suas, tametsi
suum jus & apparatus iter exponeret.
Papa e contrario memorabat, Græcos
tantum recepisse urbem olim sibi subdi-
tam; eandem jure belli possidere; deni-
que